

Ehuhuo-Ozi Polu Dejenni Ndi Efesosị

Ekele

¹ Mmẹ wu Polu de Ekwkwọ-ozini. M wu onye ozi pu-ichen Kraịstị wu Jizosị ghahani uche Osolobue. M ri e dejenni ndi nke Osolobue ri Efesosị, ndi we gi e don-nya ime Kraịstị wu Jizosị.

² Efoma le udon, hun gha aka Osolobue Nedi enyi le Onye-nwonni-enyi wu Jesu Kristi bia, ya noyeni unu.

Ngozi Enyi Nwon Ime Kraịstị

³ Ekele ya ri ni Osolobue, onye hu wu Osolobue le Nedi Onye-nwonni-enyi wu Jesu Kristi, n'o yeole enyi ngozi ime-mmọn ile ri elu-igwee makeni enyi ri ime Kraịstị.

⁴ Ni Osolobue d'e kede uwa, o hotoguole enyi ime Kraịstị, makeni o nwe ihien-osusu ebe enyi rikeni enyi wuru ndi ri nsọ, nwonleni nkoriani enya Osolobue.

⁵ O no kwademe ni, o ru, o munrun enyi ye ikpun-ulo a ghahani Jesu Kristi—makeni o suoghọ a, makeni uche e ro.

⁶ O me e keni we gi e ja Osolobue mma make oken efoma o me, hun o hukpu enyi ghahani ezi Nwa a!

⁷ Makeni enyi ri ime Kraịstị, enyi a wuruole ndi we gi edeke e gbari—ya wu ni Chuku a gbaghariguo enyi njo; ifiri oken efoma a k'o gi me e.

⁸ O gi amamihien le nghota a ile me ni enyi oken efomanị.

⁹ O nọ nwan me enyi marin ihien o bu obi, hun o te zueme; ihien hun o kwademe ketekete n'o jenkọ d'a runfaha ime Kraisti. O meguo enyi marin a make ni o sugho a n'o me erira.

¹⁰ Ihienni o bu obi wu ni, ogen zu, o wegbama ihien ile che okpuru Kraisti—ke ihien ri elu-igwee ke ihien ri enu-awa.

¹¹ Make ni enyi ri ime Kraisti, ihien Osolobue e ruguo enyi aka—make ni Osolobue, hun e me ihien ile hun o me n'o gi e mezu uche e, gi aka a hoto enyi ketekete n'o gi enyi mezu uche e.

¹² O me e keni enyi ndi ibuzo tukwasị Kraisti obi hun uzọ wuru ihien we gi ifiri e a ja Osolobue mma n'o nweke ogho.

¹³ Ke unu le enwen onu, onu henrinzikwo ndi nke Kraisti ogen onu gi nu oku hu wu ezioku, kweri—oku ahun wu ozioma ahun unu gi nwehen nzuopuha. Unu e kweriguu ni Jesu, Osolobue no bu Mmon-nsọ o kwe nkwa a che ime ndun unu, gi e ye unu ahima a—gi ghosi ni unu wu nke e.

¹⁴ Mmon-nsọ ke Osolobue e bu uzọ e ye; iya ke Osolobue gi a ghosi ni enyi jenkọ d'e nwonhenchanrin ihien ile o kwe nkwa—o ru ogen ahun Osolobue k'e gi werichanrin enyi—enyi ndi o gbariguu. Onwan k'e wehe ni Osolobue ojja-mma n'o nweke ogho.

Ekpere Polu Me Ni Ndi Kwerini

¹⁵ Iya hain o gi me ni, kete m'a nule oku okw-eri unu kwerini Di-nwonna-enyi wu Jesu le ihien-osisuo unu nwon ebe ndi nke Osolobue ile ri,

¹⁶ akusituni m iye Osolobue ekele make ufiri unu. M hu a nyanhan unu ogen ile m gha e me ekpere.

17 M'a rịọ Nedi hụn nwe ọgho, hụn wu Osolobue Onye-nwonn-enyi wu Jesu Kristi, n'o ye unu mmọn imarin-ihien; ya ghosisonme unu ihien—ke unu don ri a marinwaye e ohunma.

18 M'a rịọ a onwan keni enya ime-mmọn unu shiapu, unu a hụn uzọ marin ihien ahun o buto o gi ifiri e kpo unu, marin ke ihien o kwademe o jenko d'e ye ndi-nsọ a hihan ogbe, marinzikwo k'o nwehan ogho;

19 onu a ghotazi ke iken o gi a run orun ime enyi ndi kwerini han, iken hun we ghaleni a sa aka e ku k'o han, hun han ke iken o gi wuru Osolobue.

20 Ya wu iken k'o ghosị oghen o gi gha onwun weli Kraisti, me nodi ani aka-nni e ime elu-igwee;

21 nke wuni Kraisti kachanrin okiki ile le iken ile ri ichen-ichen le ihien ile w'a gbaye agbaye le efan le nzere ile—eledede ndi ri oghenni suo, kani kezị ndi rịde oghen hun lalani.

22 Osolobue e weguzo ihien ile che e okpuru uku, tume e Onye-isi uka, Onye ihien ile ri okpuru e.

23 Uka wu ehụ a; ime uka ke ihien ile banyen'e ri; ya le enwen e wu onye hun ri ebe ile, hun e me ihien ile e zu oke.

Isi Nke Ebuo

Wę Gha Onwun Wepuha Enyi Shi Ndun

1 Oghen mbu, onu wu ndi nwunni, make njo le mmefie

2 unu ri e mesonme. Oghen hu, unu e son eje-uzo ndi uwa, e son onye hun iken eje-mmọn ri elu ri okpuru e, mmọn hu hun ri nwan orun ime igunrun ndi hu e nupu-isi okpuru Osolobue.

³ Ezie, ęnyi ile te ri e bi ke we, e me ihien owule a suo ehụ ęnyi le obi ęnyi, e bi k'ọ ri ęnyi; e me ihien owule gunni ęnyi le ihien owule la ęnyi ęnya. Iwe-le-onuma Osolobue te rizikwo e che ęnyi nọke ndi ozo ile.

⁴ Kanị, makeni Osolobue e meke onye-omiken, makeni o nwe oken ihien-osusuo ebe ęnyi ri—

⁵ ke oge hụ ęnyi te gide wu ndi nwunni make njo ęnyi, o no gha onwun wefuha ęnyi, me ęnyi son Kraisti rizi ndun.

Efoma Osolobue ke unu gha nwe nzuopuha.

⁶ Oghagu onwun weli ęnyi, o no wesi ęnyi elu k'ọ don wesi Kraisti, me ęnyi son Kraisti nodi ani ime elu-igwee—makeni ęnyi ri ime Kraisti.

⁷ Osolobue me onwan n'ọ gi efoma hun o me ni ęnyi ime Kraisti me elu ile lalani marin efoma a—hun we ghaleni a sa eka e kuchanrin k'ọ han.

⁸ Makeni, efoma ke Osolobue me ni unu zuopuha unu ghahani okukwe unu, ele unu gi eka unu me e, ihien Osolobue ye unu ofe ro—

⁹ ele make ihien ihian run, amangbe ihian e gi e nyan isi.

¹⁰ Ihien Osolobue me ęnyi wuru ke ęnyi wu. Osolobue ya ke ęnyi ye ime Kraisti wu Jizosi, keni ęnyi hun uzo e mesonme ihien oma ndi hu o kwademeto ni ęnyi ketekete ni uwe ke ęnyi k'a gha e mesonme.

Ęnyi Ile Wu Ohu Ime Kraisti

¹¹ Nyanhan ni ni oge mbu unu wu ndi ali ozo—ebe ehụ ri; unu, hun ndi Ju a kpo “ndi kwaleni ugun,” a kpo enwen we “ndi kwa ugun”—o suo n'a ni ugun we ri e ku oku e wuhu nke ehụ suo, ihien eka ihian e mememe.

12 Nyanhan ni ni, ogen hu, unu enwon Kraisti; ogen ahun, itumunye ke unu wu ebe ikpun-ulo ile ri Izrelu ri. Unu e te ri ime nkwerigbama Osolobue tume egbata ya le ndi nke e le nkwa ndi o kwesonme ime e. Ogen hu, unu bi enu uwa bu unu e nwon olil'anya, unu enwon Osolobue ime ndun unu.

13 Kanj, makeni unu ri ime Kraisti wu Jizosi, e giguwo we nwan edeke Kraisti, ya wu ndun a, wezuhan unu hun te ri ebe teni.

14 Makeni, Kraisti le enwen e wu udon enyi—makeni o meguo ndi Ju le ndi ali ndi ozo wuru ohu, o giguwo ehụ a le onwun a titu mgbon hun te ri egbata we, ihien hu te ri egbata we, e buhe enenren.

15 O giguwo onwun ahun o nwun kagbu Iwu le umu-iwu le odinali rin'a. O me e keni o ke agbo ohun, we ile a wuru ohu ime e, o gi we nokin enya azuun ebubuwo hun te rini, gi uzọ ahun wehe udon egbata we—o mekozi ndi Ju le ndi wuleni ndi Ju, kanj ndi kwerini Kraisti.

16 Kraisti me e keni o gizi erira wekinhenni Osolobue azuun ebubuwo hu ime ehụ ohu, ghahani onwun o nwun elu obe; o gi uzọ ni gbupu iwe ri egbata we, wehe udon.

17 Ya Kraisti no bia d'e zi ihian ile ozi udon hu—ke unu ndi ani ndi ozo hun ri ebe teni ke ndi Ju hun ri nsue.

18 Ghahani Kraisti, enyi ile a sa nwan eka a gha Mmon-nsọ ohu a banhan ebe Nedi enyi wu Osolobue ri, ke ndi Ju ke ndi ali ozo.

19 Ya wu, unu ndi kwerini hun wuleni ndi Ju elezi itumunye; unu elezi ndi ali ozo. Unu e songuwo ndi

nke Osolobue, ndi nso, wuru umu di-ali Ali-eze, wuruzikwo ndi ikpun-ulo Osolobue.

²⁰ Osolobue a tunguou unu rike ulo ye elu iyeto hun wu ndi-ozu pu-ichen le ndi-amuma. Adansu hun gi ya wu ulo wu Jesu Kristi le enwen e.

²¹ Iya gi azuun ile ri unu hu; ghahan'a ke ulo gi ri e jenwaye elu d'a wuru Ulo-ofufe ri nso ime Dinwonna-enyi.

²² Ime Kraisti, we hu a tun onu le enwen onu, a tushu unu enu ime-mmou d'a wuru ebe obibi ime-mmou hun Osolobue e bi ghahani Mmou-nso.

Isi Nke Eto

Orun Polu Ime Ndi Ali Ozo

¹ Ozioma Kraisti wu Jizosini m ri e zi unu ndi wuleni ndi Ju hun we gi beye ni unu oghere ke mme wu Polu gi ri ime ngan.

² A maringho m ni unu a nuguou ni Osolobue ye m orunni o gi a ghosi efoma a run make orinimma unu;

³ unu a nuguouzi k'o don ghosi m ya wu ihien, hun te zuerini, me m ghota a. Iya ke m benitan unu nke- nke ime ehuhuo-ozini.

⁴ Unu gun a, unu k'a hun ke m ghotahan ihienni mini, ke m ghotahan Kraisti.

⁵ Osolobue aghosini ndi mbu ya k'o don nwan ghosi ndi-ozu pu-ichen nso a le ndi-amuma nso a ya ogenni ghahani Mmou-nso.

⁶ Ihien nzuzuenu wu ni, ghahani ikweri ozioma, ndi ani ndi ozo a rigouzi ndi ihien Osolobue e ru aka, wuruzikwo mkpamkpa ime ehuhuhu ahun, rizikwo ndi we ile gba nwe ihien Osolobue kwe nkwa n'o k'e me ni ndi ri ime Kraisti wu Jizosi.

7 E henringuo m onye-orun oziomanị ghahani oyiye hun Osolobue me efoma ye m, hun iken e gi ri orun ime ndun m.

8 Osuon'a ni ahandeni m ke onye hun kachanrin ntin e me ime ndi-nke Osolobue, Osolobue e ye m oiyeni keni m wejenni ndi ali ndi ozọ ozi ihien ndi ahun jun ime Kraisti, hun nwonleni oken,

9 leni m ghosi ihian ile ke Osolobue hun ke ihien ile don a runpuha ihien ahun o roto ketekete, zueme.

10 Ihien Osolobue bu obi wu n'o gi uka me amamihien Osolobue hun nwe ihun ri ichen-ichen fon ndi-okiki le ndi ile nwe iken hun ri enu-igwere enya.

11 Iya wu ihien ke Osolobue bu obi edei; o mezuguo a nwan ghahani Kristi wu Jesu Onye-nwonnini-enyi.

12 Makeni enyi ri nwan ime Kraisti wu Jizosi, egun ari a tu enyi ibanye ebe Osolobue ri—ebe o me ni enyi kwerini Jizosi.

Dikenme Ni Nwan

13 Ya wu, m ri nwan a rio unu: anikwole afunfun m ri e gi ifiri orinimma unu a ta guu unu ndun; ezie, ihien k'e wehe ni unu ogho ro.

Ighota Ihien-osusuo Kraisti

14 Make onwan, m ri e gbu nwan osekpui ihun Nedi enyi,

15 onye hun ezi-le-ulo ile ri elu-igwee le uwa gha aka a nwehen efan we.

16 M ri a rio a n'o gi ihien ile o nwon, hun o gi nwe ogho, ye unu iken, hun k'e me unu zekenme ime obi unu ghahani Mmon-nsọ a.

17 M rizi a rijo a ni unu wuru ndi Kraisti birichanrin ime obi we make ni unu hu e gi oku e e don, unu a gbasonme nkporun, e wuzowaye ime ihien-osusuo—

18 keni unu saeka son ndi nke Osolobue ile ghota ke ihien-osusuo Kraisti shahan, k'o suehan, k'o jehan elu le k'o mihan;

19 unu a ghota ya wu ihien-osusuo a, hun we ghalen a ghotachanrin—keni ihien ile ri ime Osolobue hun uzo jun ime onu.

20 Nke Osolobue, Onye hun k'e ri-eka gi iken e ri orun ime enyi runkari ihien ile enyi k'a saeka rijo mobu ro, runkari a ohunma-ohunma,

21 ogho ya rin'a—ke ime uka a ke ghahan Kraisti wu Jizosi d'e ru agbo ile, jehrin ejen. Isee.

Isi Nke Eṅo

Ke Mkpamkpa Ehu Ile Don Wuru Ehu Ohu

1 Mme, hun wu onye-ngan make ni m ri e jenni Dinwonni-enyi ozi, ri nwan a rijo unu ni unu bi obibi furu okpukpo Osolobue kpo onu.

2 E wenuachanrin ni enwen unu ali ogen ile; e me ni juu; e gi ni ndidi e son ibe unu. E gi ni uzoni a ghoṣi ihien-osusuo onu nwe.

3 Lili ma ni uzo ile ni udon risonme egbata onu, e kengbama unu, keni unu e gi e e chedon iri-ohu hu hun gha eka Mmon-nsọ a bia.

4 Ehu ohu le Mmon-nsọ ohu ri, noke k'o don me ni olile-enya ohu ke Osolobue kpo unu d'e nwon.

5 Nna ohu ro; okukwe ohu ro; mirin-Chuku ohu ro.

6 Osolobue ohu ro—hun wu Nedi ihian ile, hun wu Nna ihian ile, hun gi ihian ile a run, hun rizikwo ime ihian ile.

7 Kani we yesonme onye-onye ime enyi oyiye ichen-ichen noke ke Kraisti don cho n'o ye e.

8 Ya ke Ekwokwo-nsò gi si,

“Ogen o gi lashi elu,

o weri ihien hu ken ihian egbun che ime egbun,
o no ye ndi ihian oyiye ichen-ichen.”

9 (Ogen Ekwokwo-nsò gi si, “O lashi elu,” k'o gi nwan “O lashi enu” e ku? Ya wu n'o buzo hidangu, shi ebegu kacharin e mi ime ani.

10 Ya wu ni onye ohu hu hidanni wuzikwo onye hun lashi elu, ghafecharin elu-igwere, keni o hun uzo gi enwen e mejunkwama ihien ile.)

11 Iya yesonme oyiye ndini: o nwe ndi o ye oyiye iwu ndi-ozì pu-ichen, ye ndi ozo oyiye iwu ndi-amuma le ndi e zi ozi Osolobue si we zi, ye ndi ozo oyiye iwu ndi e jenhunmeni e zi ozioma, ye ndi ozo oyiye iwu ndi ukò-Chuku le ndi-nkuzi.

12 O yesonme oyiye ndini n'o gi we a zun ndi-nke Osolobue ile ni we d'a run orun Kraisti leni o gi we e me egu Kraisti wu uka a gha ihun rike ulo we n'a tunshi elu.

13 O me e d'e ru ni enyi ile a wuru ohu ebe okukwe le imarin Nwa Osolobue ri, wuru ndi ka egu, suerucharin ogo Kraisti, nocharin ke 'ya.

14 O me e make enyi gha a wuzi umeka, ndi ebi e bushi ihun-le-azuun, ndi nkuzi owule e buhunme ke ufere e buhunmesonme ihien, ndi ihian gi nkuzi ero le aghigho e dufie.

15 Kama, ni enyi a wuru ndi a gwa ibe enyi ezioku, e gi ihien-osusuo e me e, enyi ile e gi e e sue; enyi e gi

erịra suekunrun Kraịstị, hụn wụ isi ẹhụnị, rịchanrìn ke 'ya.

¹⁶ Iya wụ Kraịstị gi ẹhụ. Makeni, iya me ẹhụ ile gi nyangbamachanrìn ọhụnma-ọhụnma ghahani akwanran ile rìn'a. Iya rizi e me mkpamkpa owule a sa aka a run ọrun run'e ọhụnma, hụn ẹhụ ile gi a ri iken, e sue, e nwewaye ihien-osusuo.

Obibi Ohun Hun Ri Ime Kraịstị

¹⁷ Ya wụ, m ri e gi efan Di-nwonnienyi a gba unu mkpinsin aka, a gbashi unu 'ya iken: ebizile ni ke ndi hun ghaleni e fe Osolobue, ndi iroro we nwonleni isi.

¹⁸ Uche we a gbago ishi. Enwon we ndun Osolobue makeni o nwonnienyi we marin ebe ezioku ri, obi we kpokinzi kwokpo kin.

¹⁹ Makeni, ifenren arizi we enya; e wechanringuo we enwen we ye ihien-ifenren le ihien ile ru unyin ri ichen-ichen, a rizi we a sa aka e kwodon enwen we.

²⁰ Kani, elokwo erira ke we kuzi onu banyeni Kraịstị!

²¹ Eghet, unu a nugo banyen'e, unu a muguo ezioku hun ri ime Jesu.

²² Unu a muguo ni unu jenko nwan d'a ma eje-obibi hu unu te ri e bi tuhu—onye hu unu wu mbu hun rehiguo ihun le azuun, hun ihien olila-enya dufiegua.

²³ Mmon onu le uche unu k'a wuriri nke ohun;

²⁴ unu e yiri onye ohun hu, hun we gi udi Osolobue ke—hun ri ke Osolobue don cho nke-esi, ri nsọ nke-esi.

²⁵ Ya wu, atuzile ni ntu! Kama, a gwa ni ibe unu ezioku, makeni enyi le ibe enyi wu ehụ ohu.

26 Olulu nwe iken bu i, ka anil'a han i me njo. Olulu y'e bule i ni eki gi.

27 Eyele ni Ekwensu efe.

28 Onye e zun ohin y'e zunzile. Kama, ya runma orun nwonleni nkoriani, e gi e e bi, e yezikwo ni ndi mkpa kwondon aka.

29 Anile ni eje-oku puha unu onu, kani, oku hun a gba ihian ume, ban n'a erere ime onodi o ri—keni oku unu hun uzọ e yeni ndi hun ri e gon ntin aka.

30 Emekwole ni ihien k'a fu Mmon-nso Osolobue, makeni iya ke we gi yime onu ahima Osolobue, make uhuhin hu Osolobue k'a gbafuha ndi nke e.

31 Wepu ni iwe ile, olulu ile, onuma ile, oro ile, nkuto ile le eje-ihien ile ihian gi e son ibe e.

32 Kama, e gi ni efoma le omiken e son ibe onu, a gbaghari ibe unu ke Osolobue don nwan gbaghari unu ghahani Kraisti.

Isi Nke Isen

Obibi Umụ Ukpe

1 Ebe o me ni unu wu umu Osolobue hun ri a obi, kinrin n'a nwan—e bi ni nwan ke iya.

2 E gi ni ihien-osusuo e bi—noke ke Kraisti don nwe ihien-osusuo enyi, gi ifiri enyi we ndun a ye, noke oyiye le ejan hun e shin ohunma hun Osolobue nabanhan.

3 Noke ndi nke Osolobue, anikwole ni we nude oku ughere mobu ihien owule ru unyin mobu enyaku ime igunrun unu.

4 Anile ni oku ihien-ifenren mobu oku-nzuzu mobu oku owule ru unyin puha unu onu. Kama, e gi ni onu unu e yesonme Osolobue ekele.

⁵ Marinkwo nị nị o nwonni onye owule hun a ghereni mobu onye rileni ochan mobu onye enyaku (hun wuzi irua-mmom) jenkọ d'a ban Ali-eze Kraisti le Osolobue!

⁶ Anikwole ni onye owule gi oku nwonleni isi duhie unu, makeni, ufiri ihien ndini ke iwe-le-onuma Osolobue gi a biani ndi nnufu-isi.

⁷ Ya wu, esonkwole ni we meko kaka!

⁸ Makeni unu te ri ime ishi, kani hunni unu wuruguu nwan nke Di-nwonni-enyi, onu wu ukpe. E bi ni nwan ke umu ukpe—

⁹ makeni mkpuru ukpe a mi wu ihien ile ri mma, ihien ile kuru-oto le ihien ile wu ezioku.

¹⁰ Liliima nị nị onu a chopuha ihien hun k'a sọ Di-nwonni-enyi usuo.

¹¹ Esonle ni we e me ihien ndi hu w'e me hun wu nke ishi, hun ghalen a ban erere, ka e kpu ni we oro.

¹² Ihien ndi nnufu-isi e me nzuzue e mede ifenren okuku!

¹³ Kani, we wepuha ihien owule ebe ukpe ri, a hun we k'o no—

¹⁴ makeni ukpe nwunkpuhu ihien, o henrin ukpe. Ya hain Ehuho-nsọ gi si,

“Onye-uran, tēhin!

Gha onwun lihi,
keni Kraisti nwunkpu i.”

¹⁵ Kpachanpu nị nwan enya ke unu don e bi; e bile ni ke ndi marinleni ihien, ka e bi ni ke ndi marin ihien.

¹⁶ Egile ni oghere owule unu nwe gupu egu, makeni ogenni jo njo.

¹⁷ Awukwole ni nwan ndi-nzuzu, ka ghota nị ihien wu uche Di-nwonni-enyi.

18 Arakwọle ni manya tu, makeni ihien-ifenren ro ni manya ri a ki ihian; ka a ni ni Mmon-nso e jun ime ndun unu, a ki unu ogen ile—

19 unu e gi ebu ri ime ekukwo Ebu-oma le ebu-ofufe le ebu ndi ozọ ri nsọ a gwa enwen unu oku, a bu ni Di-nwonna-enyi ebu a suo usuo ime obi unu;

20 e gi efan Di-nwonna-enyi wu Jesu Kristi e ye Chuku-Nedi ekele ogen ile make ihien ile.

Egbata Di Le Nwunye

21 E welua ni ni ibe unu isi ali, e gi e a gbaye Kraisti.

22 Nwunye, e welua ni di i isi ali ke y'e me ni Di-nwonna-enyi.

23 Makeni, di wu isi nwunye e nọke ke Kraisti don wu isi uka—uka, hun wu ehụ Kraisti—hun Kraisti wu onye-nzuopuha a.

24 Ya wu, nwunye k'e weluariri ni di e isi ani ime ihien ile ke uka don e wenua ni Kraisti isi ali.

25 Di, nwe ihien-osusuo nwunye i ke Kraisti don nwe ihien-osusuo uka, gi ifiri e we ndun a ye—

26 ken'o gi mirin hu wu oku-Osolobue chanchan a, don e nsọ,

27 keni o gi enina wefuha ni enwen e uka hun nwon ogho, hun nwonleni ntupo, hun seleni aliji—hun nwonleni ihien owule no erira, uka ri nsọ, nwonleni ihien we gi korian'a.

28 Erirazikwo, di furu n'o nwe ihien-osusuo nwunye e ke o don nwe ihien-osusuo ehụ ya le enwen e. Onye nwe ihien-osusuo nwunye e nwe ihien-osusuo enwen e.

29 Makeni, o nwonna onye ize ehụ a e ze. Mba. Kama, ihian a zun ehụ a, e mememe e ohunma—nọke ke Kraisti don e me uka—

³⁰ makeni enyi wu uka wu mkpamkpa ehu a.

³¹ “Onwan haịn okennyẹ k'e gi lato nedi e le nne e, banni nwunyẹ, wẹ ebuo e henrin ehu ohu.”

³² Ihienni e miki; m gi e e ku banyeni Kraistị le uka.

³³ K'osileri, di owule ya nwe ihien-osusuo nwunyẹ e k'o don nwe ihien-osusuo enwen e; nwunyẹ owule y'a gbaye di e.

Isi Nke Isin

Umụ Lẹ Ndi Mụ Ni Wẹ

¹ Umụ, e humeni ni ndi muni unu isi ke Onyẹ-nwonna-enyi don ku e, makeni onwan wu ihien furu ni unu me.

² “Gbaye nedi i le nne i.” Onwan wu iwu ibuzo wẹ kwe nkwa chen'e, si,

³ “keni o ri ni mma, y'e nwon isi-nka elu uwa.”

⁴ Nedi le nne, akpasule ni umu onu iwe, amangbe ndun a guu wẹ, ka e gi ni ozunzun le nkuzi Di-nwonna-enyi kwadon a zun wẹ.

Ndi Idibo Lẹ Ndi Wẹ Ri Okpuru Wẹ

⁵ Ndi wu idibo mobu igbon, e gi ni egun le ehu omuma-nni e humeni ndi onu ri okpuru wẹ isi. E gichanrin ni obi unu ile e me e, noke si Kraistị ke unu ri a gbaye.

⁶ Elekwọ id'anya wẹ suo—ebe unu n'a cho ni wẹ ja unu—kama, e gi ni akpakali obi unu e me ya wu uche Osolobue—rike igbon Kraistị.

⁷ A shiapuni efo a run orun unu—noke si unu ri a runni Di-nwonna-enyi ya, ele ihian.

⁸ Makeni unu a maringho ni Di-nwonni-enyi jenko d'a ku onye-onye ugwo ihien-oma owule o me—ke igbon ro ke onye nwon enwen e ro.

⁹ Ndi ihian ri okpuru we, e mezikwo ni we erira. Eronzile ni we egun. Unu a maringho ni unu le we nwon Nna ohu hun ri enu-igwee—bu ara gbeyeni ihian.

Ekiken-agma Onye Nke Osolobue

¹⁰ Nke ikpazuun, zekenme ni ime ihien Di-nwonni-enyi; nwenkenme ni iken e ahun hi ogbe.

¹¹ Yiri ni ihien-agma Osolobue ile, keni unu saeka turu, gbondon ero Ekwensu ile.

¹² Makeni, ele ihian (nwe ehụ le edeke) ke enyi le we ri a do, eje-mmōn ichen-ichen ke enyi le we ri a do: ndi-isi we le ndi-okiki we le eje-mmōn ndi hun a ki ishini gba elu-ūwa le eje-iken ime-mmōn ndi ri elu-igwere.

¹³ Konrin ni nwan agha! Weri ni nwan ihien-agma Osolobue ile, keni unu hun uzọ saeka turu ogeñ eje-uhuohin e gi bia; keni unu saeka mechanrin ihien ile furuni, bu unu turuhukwo ebe unu turu.

¹⁴ Turukenme ni nwan! Unu e gi ezioku kenme ukun noke akpukpo onye-agma gi e kenme ukun; unu e yiri ime-ihien-Chuku-cho noke ewuru igwe ahun onye-agma gi e chedon obi.

¹⁵ Yiri ni adudu izi-ozio ma hun e wehe udon uku, gi n'e henrin akp'uku, noke akp'uku onye-agma;

¹⁶ ime ihienni ile, buru ni okukwe, noke ikpan onye-agma, hun onu e gi saeka e gbondon uta ile ri e nwun okun hun Eje-onye hu ri a gba;

¹⁷ weri ni nzuopuha Osolobue zuopuha unu kpuru rike okpu onye-agma, gi gbondon isi onu; unu

e weri oku-Chuku hụn wu ọpịa-agma Mmọn-nsọ, kwondon.

¹⁸ E mę ni ekpere nọkẹ kẹ Mmọn-nsọ dọn cho oge n ile; unu e gi udi ekpere le aririọ owule e son ihien ile. Munrun ni enya ebe ekpere ri, anileni ndun guu unu; e mę ni ni ndi nke Osolobue ile ekpere.

¹⁹ E mezikwo ni ni mme nwen ekpere, keni m shiapu onu ni m zi ozioma, Osolobue e ye m ihien m sikọ d'e ku; o wepu m egun enya, e kusi m'e iken; e mę m we marin ihien ri ime ozioma—

²⁰ m yi nwan egan makeni m ri e zi ya wu ozioma rike onye-nnokin enya Kraisti. E mę ni ni m ekpere ni m hun uzọ e kushi e iken k'o furu ni m'e ku e.

Ekele Ikpazuun

²¹ Ezi nwe nę enyi wu Taikikosi, hun wuzikwo onye-orun we gi e don enya ime Nna-enyi k'a gwachanrin unu ihien ile, keni unu marin k'o ri m le ihien m ri e me.

²² Iya kę m zilani ni unu ya—ni unu marin kę enyi ile nọ, ken'ọ hun uzọ kasizikwo unu obi.

²³ Udọn Chuku-Nedi le Di-nwonnienyi wu Jesu Kristi ya rini ndi nke Kraisti ile—ya le ihien-osusuo hun okukwe ri ime e.

²⁴ Efo ma Osolobue ya rini kę we han nwe ihien-osusuo ghaleni a nwun anwun jenni Onye-nwonnienyi wu Jesu Kristi.

**Elu Ọhụn: Ekwọ-Nsọ (Azụn Ọhụn rịn'a)
Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022

31b0248e-272a-5dee-8226-bcc00c54d9b1